

Fegl da lavur

# Mes pled-clav segir

En il cas ideal dovr'ins per mintga plattafurma d'internet in auter pled-clav e mida quel regularmain. Uschia èsi dentant grev da tegnair endament tut ils differents peds-clav. Memorisar il pled-clav sin il computer n'è betg ina metoda segira, nun ch'ins dovria ina software speziala. I n'è era betg ideal da sriver si ils peds-clav. Sche auters chattan la notizia, han els access a tes contos. Per tegnair endament peds-clav difficils datti in tric:

1. Fa ina frasa che ti pos tegnair endament facilmain, sco per exempel:  
**Jau vom fitg gugent a las lecziuns en nossa scola!**
2. Per ch'il pled-clav saja anc pli segir, pos ti p.ex. sriver cun maiuscla tut ils nomens, sco en tudestg:  
**Jau vom fitg gugent a las Lecziuns en nossa Scola!**
3. Prenda uss ils emprims bustabs da tut ils peds: **JvfgalLenS!**
4. Insaquants bustabs pos ti remplazzar cun dumbers u segns spezials che vesan ora sumegliant: **Jvf9@lLenS!**

In pled-clav segir ha **almain diesch** segns, maiusclas e minusclas, dumbers e segns spezials.

Emprova ussa tezza/tez e creescha peds-clav segirs. Emprova ora sunter al computer quant segirs che tes peds-clav èn.

Ma atenziun: n'utilisescha per il test betg tes vairs peds-clav.

Gidamemoria	Pled-clav	Betg vegnì decriptà en il test
		<input type="checkbox"/>
		<input type="checkbox"/>
		<input type="checkbox"/>